




PROOEMIUM.

DE VARIIS EPISCOPORVM ORDINIBVS,
quorum sedes in hac Notitia recensentur; nec non
de totius operis fine & methodo.



ECCLESIA Romana, cui Euangelium Petrus & Paulus sanguine suo signatum reliquerunt: b semper Primatum habuit: c Ecclesia principalis est, vnde unitas sacerdotalis exorta: d eaque ad quam propter potentiorē principalitatem necesse est omnem Ecclesiam conuenire. Huius Episcopus Custos fidei dictus est in Concilio Ephesino: Beatissimus atque Apostolicus vir Papa vrbis Romę, quę est caput omnium Ecclesiarum, in Chalcedonensi; Sanctissimus & beatissimus vniuersalis Patriarcha magnę Romę, ab Athanasio Presbytero; eique, vt Valentiniani Imperatoris verbis vtar, Principatum Sacerdotij super omnes antiquitas detulit.

Cur tantam à primis sæculis authoritatem obtinuerit, si quæras; respondebunt Optatus Mileuitanus, & Petrus Chrysologus, huius supremę potestatis originem tribuentes Apostolo Petro: Optatus quidem Mileuitanus, dum his verbis Donatistas ad obedientiam sanctę Sedi Romę debitam reducere conatur. i [Negare non potes scire te in vrbe Roma Petro primò cathedram Episcopalem esse collatam, qua federit omnium Apostolorum caput Petrus, vnde & Cephas appellatus est.] Chrysologus autem his penè similibus ad Eutychem. k [In omnibus hortamur te, frater honorabilis, vt ijs quę à beatissimo Papa Romę ciuitatis præscripta sunt, obedienter attendas: quoniam beatus Petrus, qui in propria sede & viuit & præfidet, præstat quærentibus fidei veritatem.]

Addam tamen cum Patribus Concilij Chalcedonensis, l primos Ecclesię Patres præter hanc supremam potestatem, Romano Pontifici priuilegia quædam ex hoc tribuisse, quòd vrbs Roma imperaret. Vnde Theodosius & Valentinianus Imperatores hæc ad Aëtium scripserunt in Nouellis: m [Cum sedis Apostolicę primatum sancti Petri meritum, qui princeps est Episcopalis coronę, & Romę dignitas ciuitatis, sacrę etiã Synodi firmiter auctoritas, ne quid præter authoritatem sedis istius illicitum præsumptio adtentare nitatur. Tunc enim demum Ecclesiarum pax vbique seruabitur, si rectorem suum agnoscat vniuersitas.] Sed intellige de priuilegijs supremę & vniuersali potestati Ecclesiasticę superadditis. Etenim Ecclesia Romana

i. DE ECCLESIA ROMANA ET SUMMO PONTIFICE.

a Tertull. aduers. Marc. l. 4. c. 5. b Concil. Chalced. a & 16. vt infra. c Cyprianus, epist. 55.

d Irenę. l. 3. contra Valent. c. 3. e Concil. Ephes. part. 2. act. 2.

Καθίστητο τῶ φῶλα-
ν τῆς πίστεως, &c.
f Act. 1. Concil. Chalced.

Τοῦ μακαριωτά-
του καὶ ἀποστολικοῦ
ἐποσκοῦ τοῦ Ρο-
μαίου πῶτος κα-
θολικοῦ, καθ' ὅσον
πᾶσιν ἐκκλησίαις.
g Athan. in libello
ad Leon. Pap.

Τῶ ἀγιωτάτῳ καὶ
μακαριωτάτῳ οἰ-
κουμένῳ πατρι-
άρχῃ καὶ μεγάλῳ Ρο-
μαίου Λέοντι.

h Ex Epist. Valent.
Imper. inter epist.
Præamb. Concil.

Chalced. i Optat. Mileuit. l. 1. contra Donatist. k Petrus Chrysol. epist. ad Eutychem. l Conc. Chalced. can. 28.

Καὶ γὰρ τῷ ἐπο-
σκοῦ ὁ πρεσβυτε-
ράριος διὰ τὸ βα-
σιλεῖον πῶτος πᾶ-
ν ἐκκλησίαν οἱ πατέρες
εἰκότως ἀποδεδω-
κεσι τὰ πρεσβεία.
m Nouella Theo-
dohij tit. 24. ad cal-
cem Cod. Theod.